

ԱՐԵՎՄՏԱՀԱՅՈՒԹՅԱՆ ՑԵՂԱՍՊԱՆՈՒԹՅՈՒՆԸ 1915 ԹՎԱԿԱՆԻՆ

(Մեծ Եղեռնի 70-ամյակի առթիվ)

ՀՍՍՀ ԳԱ ակադեմիկոս Մ. Գ. ՆԵՐՍԻՍՅԱՆ

Հայ ժողովրդի բազմադարյան պատմության տարեգրությունը ունի ոչ քիչ արյունոտ էջեր: Բայց այն, ինչ տեղի ունեցավ մեր ժողովրդի արևմտահայ հատվածի՝ արևմտահայության հետ XX դարի սկզբին, այդ արդեն մի հաշվոք աղետ էր, իսկական ցեղասպանություն, որն իր ծավալով ու դաժանությամբ աննախագեղ էր մարդկության պատմության մեջ:

1915 թ., 70 տարի առաջ, թուրքական կառավարությունը, որի գլուխ էր կանգնած այսպես կոչված Երիտասարդ թուրքերի ժայռահեղ ազգայնամոլ կուսակցությունը, սրի քաշեց Օսմանյան լծի տակ հեծող մեկ ու կես միլիոն հայ բնակչությանը, իսկ նրա բնօրրան-հայրենիքը՝ Արևմտյան Հայաստանը, որի կազմի մեջ այն ժամանակ ընդգրկված էին Էրզրումի, Վանի, Մուշի, Տիգրանա-կերտի, Խարբերդի ու Սեբաստիայի նահանգները, ենթարկվեց սարսափելի ավերի ու կողոպուտի:

Ի՞նչ նպատակ էին հետապնդում այդ հրեշավոր ոճրագործության հեղինակները: Լինելով թուրքական բուրժուա-կալվածատիրական ռեակցիոն վերնախավի դասակարգային շահերի արտահայտիչներ, երիտթուրքերը ձգտում էին իրականացնել իրենց պանթուրքիստական ծրագիրը, որ նշանակում էր օսմանիզացիայի ենթարկել կայսրության բոլոր ազգությունները (հայերը, հույները, արաբները, քրդերը, հրեաները և այլն), բռնի ասիմիլյացիայի միջոցով թուրքացնել նրանց, ստեղծել միաձուլ, էթնիկական միատարր ու հզոր պետություն, որ ընդունակ լինի դիմելու նոր ագրեսիաների:

Ճանաչելիությունը շնորհ այդ շովինիստները իրենց առաջին հարվածը ուղղեցին արևմտահայության դեմ: 1915 թ. ապրիլին երիտթուրքերի կուսակցության կենտրոնական կոմիտեն վերջնական որոշում ընդունեց ֆիզիկապես բնաջնջել ամբողջ արևմտահայությունը և ընդմիջող վերջ տալ Հայկական հարցին: Բարբարոսական այդ ծրագրի իրականացման համար հարմար առիթ և նպաստավոր պայմաններ ստեղծեց 1914 թ. բռնկված առաջին համաշխարհային պատերազմը, որից և օգտվեցին գազանաբարո ջարդարարները:

Կոտորածներն սկսվեցին դեռևս 1914 թ. վերջերին: Սկզբում զորահավաքի պատրվակով թուրքական կառավարությունը բանակ ուղարկեց կոմիտեի ընդունակ հայ տղամարդկանց, բայց շուտով նրանք զինաթափ արվեցին և կոտորվեցին նենգորեն: Այնուհետև ջարդարարները ծանր հարված հասցրին արևմտահայ մտավորականությանը: 1915 թ. ապրիլին Կ. Պոլսում և մյուս քաղաքներում բանտարկվեցին և ապա աքսորվեցին ու բարբարոսաբար սպանվեցին հարյուրավոր անվանի գրողներ, հրապարակախոսներ, լրագրողներ՝ Գրիգոր Զոհրապը, Դանիել Վարուժանը, Սիամանթոն, Ռուբեն Սևակը, Ռուբեն Զարդարյանը, Սմբատ Բյուրաբ, Կյուրճյանը, Տաղավարյանը, Քելեկյանը և հայ մշակույթի այլ ներկայացուցիչներ:

1915 թ. գարնանից երիտթուրքերն անցան խաղաղ ու անօգնական բնակչության ընդհանուր ջարդերին, դրանք իրականացնելով տեղահանությունների կամ այլ կերպ ասած՝ դեպորտացիայի անվան տակ: Թուրքական կառավարությունը հրաման արձակեց արևմտահայ բնակչությանը Միջագետքի և Սիրիայի անապատները գաղթեցնելու մասին: Բայց դա բացարձակ խաբեություն էր,

քանի որ իրականում ոչ թե գաղթ էր կազմակերպվում, այլ մասսայական կոտորածներ: Եվ իսկապես, շուտով սկսվեց կանանց, երեխաների ու ծերունիների գանգավածային ոչնչացում: Բնակչության մի մասը կոտորվեց սեղանի՝ հայրենի գյուղերում ու քաղաքներում, մյուս մասը՝ անհայտ հեռուները տանող երկարածի՞ք ճանապարհներին, մնացած մասը՝ Միջագետքի ու Սիրիայի անապատներում:

Կոտորածը համընդհանուր էր, ավերն ու թալանը՝ նույնպես Արևմտյան Հայաստանի ու Կիլիկիայի ոչ մի գավառ, գյուղ կամ քաղաք, Օսմանյան կայսրության սահմաններում գտնվող գրեթե ոչ մի հայկական համայնք չէր չմնացին հաճելի ջարդերից ու կողոպուտից:

Արևմտահայերի պատրիարք Զավեն արքեպիսկոպոս Եղյանը, որ ուներ ստույգ տեղեկություններ կատարվող անցքերի մասին և անձամբ ականատես եղավ թուրքական իշխանությունների շատ բարբարոսություններին, 1915 թ. դեկտեմբերի 28-ի իր նամակում, ուղղված ամերիկահայերին, գրում էր.

«Պատմությունը չեմ կարծեր, թե արձանագրած ըլլա այսպիսի կոտորած մը: Լուրերը որքան: ալ հասած ըլլան ձեզի, սակայն չեմ կարծեր թե որեւէ գրիչ կամ բերան կարենա նկարագրել այն զարհուրելի նախճիրները, որոնք տեղի ունեցան վերջին 8—9 ամիսներու մեջ Թուրքիո մեկ ծայրէն մինչև մյուս ծայրը, սուտնց խնայվելու ամենափոքր գյուղը կամ դառամյալ ծեռունին և կաթնկեր մանուկը: Համիտյան ռեժիմին ատեն կամ անկե առաջ տեղի ունեցած կոտորածները հայկական ըլլան կամ հունական, պուլկառական ըլլան թե լիբանոյան՝ չնչին բան մըն են ասոք քով: Այս անգամ գործադրվածը իսկապես բնաջնջումի ծրագիր մըն է... Ժողովուրդը վտարվեցավ իր հայրենի օճախեն, լքելով ամեն ինչ և ճամբան կողոպտվեցավ և կոտորվեցավ: Սամսոնեն սկսյալ մինչև Տիգրանակերտ գրեթե հայ այր մարդ չէ ազատված: Երիտասարդ կիներն ու աղջիկները առևանգվեցան և մանուկները կոտորվեցան: Կոտորածը ահռելի եղած է Մուշ, Բաղեշ, Տիգրանակերտ, Եդեսիա, Տրապիզոն, Շապին Գարահիսար, Քոյի, Բալու և Երզնկա-Քեմախ, ուր գրեթե ոչ մեկ հայ ազատված է, մուսուլմաններն ու ծերերն անգամ չխնայվելով»:

1916 թ., երբ դեռ շարունակվում էին հակահայկական խժոժությունները, ֆրանսիական նշանավոր հրապարակախոս Հանրի Բարբին այցելեց Արևմտյան Հայաստան, շրջագայեց նրա մի շարք գավառներում և կատարված արյունոտ դեպքերի ու ծիսացող ավերակների թաղմ տպավորության սակ գրի առավ ճանապարհորդական նոթեր, ուր նկարագրված են սարսափելի տեսարաններ: Ընդհանրացնելով իր խոսքը, նա գրել է.

«Ով էլ այժմ անցնի ավերված Արևմտյան Հայաստանով, չի կարող չցնցվել, որովհետև արտասովոր շատ բան են ասում ավերակների ու մահվան այս անվերջ հեռաստանները: Չկա ոչ մի ծառ, ոչ մի ժայռ, մամուռի ոչ մի կոտոր, որը վկա չլինի մարդու սպանության, որը պղծված չլինի թափված արյան հեղեղներով: Չկա ոչ մի գետ, կամ վտակ, որը դեպի հավիտենական մոռացություն տարած չլինի հարյուրավոր ու հազարավոր դիակների: Չկա ոչ մի անդունդ կամ կիրճ, որոնք չլինեն գերեզմաններ բաց երկնքի տակ, որոնց խորքերում չերևային կմախքների բաց կրծքավանդակները, քանի որ մարդասպանները գրեթե ոչ մի տեղ չեն վատնել ոչ ջանք, ոչ ժամանակ, որպեսզի թաղեն իրենց զոհերին: Այս ընդարձակ մարզերը, որոնցում մի ժամանակ ծաղկել են հայկական բնակավայրերը, այսօր ամայացած ու անմարդաբնակ են»²:

1913—1916 թթ. Ամերիկայի Միացյալ Նահանգների դեսպանի պաշտոնը թուրքիայում զբաղեցնում էր Հենրի Մորգենթաուն: Անմիջական կապեր հաստատելով երիտթուրքերի պարագլուխներին, այդ թվում և էնվեր փաշայի ու Թալեաթ բեյի հետ, նա լավ գիտեր թուրք ջարդարարների և՛ ծրագրերը, և՛ նրանց հրամանով իրականացվող բարբարոսությունները: 1916—1917 թթ. գրի առած իր հուշերում դեսպանը, խոսելով հայկական կոտորածի մասին, գրել է.

¹ ՀՍՍՀ ՊԿՊՍ, ֆ. 57, ց. 2, ք. 672, թ. 72:

² А н р и Б а р б и н. В стране ужаса... Перевод с французского. Тифлис, 1919, с. 40.

«Ես համոզված եմ, որ մարդկության ամբողջ պատմության մեջ չկան այնպիսի դարհուրելի անցքեր, ինչպես այս կոտորածը: Անցյալի մեծ ջարդերն ու հալածանքները հալ ժողովրդի 1915 թ. տառապանքների համեմատությամբ գրեթե աննշան են»³:

Նույն եզրակացությանը հանգեց նորվեգացի մեծ հումանիստ ու գիտնական Ֆրիտյոֆ Նանսենը, որը հանգամանորեն ուսումնասիրել էր տվյալ հարցին վերաբերող շատ նյութեր ու փաստաթղթեր: Երիտթուրքերի գազանությունները հայերի նկատմամբ, գրել է նա, «իոենց ծավալով ու նողկալի դաժանությամբ գերազանցում են այն ամենը, ինչ որ հայտնի է պատմությանը... Թուրքական արյունոտ պատմությանը ավելացավ մի նոր դրվագ, որը ստվերի տակ գցեց այն բոլորը, ինչ կատարվել է անցյալում»⁴: Այս ոգով են արտահայտվել նաև բազմաթիվ այլ նշանավոր գործիչներ:

Արևմտահայության ցեղասպանությունը նվիրված գրականության մեջ վաղուց արդեն իրավացիորեն նշված է այն հանգամանքը, որ հայկական կոտորածները իրականացվում էին հրեշավոր անգթությամբ: Թուրքական կառավարությունը հրահանգում էր իր տեղական օրգաններին՝ լինել վճռական ու խնայել անգամ ամենափոքր երեսաներին: Ջարդարարները գործում էին ամենաբարբարոս միջոցներով: Կորցնելով իրենց մարդկային կերպարանքը, նույնք գետնին էին թափում կամ բարձունքներից ցած նետում երեսաներին, սրախողիսող անում կանանց, բռնաբարում և սպանում աղջիկներին: Անգեն բնակչությանը արում էին փակ շենքերում, խռույկների վրա, խեղդամահ ու շնչահեղձ անում ջրհորներում և քարանձավներում: Հազարավոր մարդիկ ընկնում էին կացնի հաովածներից: Անմեղ զոհերը ենթարկվում էին զաղրելի տանջանքների ու խոշտանգումների:

Հենրի Մորգենթաուի հուշերում կան այսպիսի տողեր. «Մի անգամ ես գրույց ունեցա թուրք պատասխանատու և բարձրաստիճան պաշտոնյալի հետ, որն ինձ պատմեց, թե ինչ խոշտանգումներ են կիրառվում հայերի նկատմամբ: Նա չթաքցրեց, որ կառավարությունը հավանություն է տալիս կիրառվող խոշտանգումներին... Այդ աստիճանավորն ասաց, որ խոշտանգումների այդ բոլոր մանրամասնությունները քննարկվել են «Միություն և առաջադիմություն» կոմիտեի շտաբկայանի գիշերային նիստում: Ցավ պատճառող յուրաքանչյուր նոր միջոց գնահատվում էր որպես հիանալի հայտնագործություն, և աստիճանավորները շարունակ գլուխ են կոտրում մի նոր տանջանք հնարելու համար: Նա ինձ պատմեց, որ նրանք դիմել են նույնիսկ իսպանական ինկվիզիցիայի հաշվետվություններին... և ընդօրինակել են այն բոլորը, ինչ որ գտել են այնտեղ»⁵:

Թուրք վանդալները, ինչպես տեսնում ենք, որոշ իմաստով եղել են հիտլերյան ֆաշիստների նախորդները:

Հայության ցեղասպանության դեմ իր ձայնը բարձրացրեց շատ երկրների առաջավոր ու մարդասեր հասարակայնությունը: Առանձնապես իրենց զայրույթն արտահայտեցին այնպիսի նշանավոր դեմքեր, ինչպիսիք են Մաքսիմ Գորկին, Վալերի Բրյուսովը, Սերգեյ Կիրովը Ռուսաստանում, Անատոլ Ֆրանսը, Ռոմեն Ռոլանը և Ժակ դե Մոգանը Ֆրանսիայում, Կարլ Լիբկնեխտը, Յոհանես Լեպսիուսը, Յոզեֆ Մարկվարտը և Արմին Վեգները Գերմանիայում, Ջեյմս Բոասն ու Առնոլդ Թոյնթին Անգլիայում, Հերբերտ Ադամս Գիբբոնսը Ամերիկայում և ուրիշներ:

Ի՞նչ դիրք բռնեցին այսպես կոչված մեծ պետությունները: Կայդերական Գերմանիան, որ առաջին համաշխարհային պատերազմի տարիներին Թուրքիայի դաշնակից-գինակիցն էր և ձգտում էր զավթել ամբողջ Մերձավոր Արևելքը, ամեն կերպ պաշտպանում և հովանավորում էր երիտթուրքերին: Արևմտահա-

³ Henry Morgenthau. Ambassador Morgenthau's Story. New York, 1918, p. 324.

⁴ Fridtjof Nansen. L'Arménie et le Proche Orient. Paris, 1928, p. 357.

⁵ Henry Morgenthau. Op. cit., p. 315.

յության ցեղասպանության ծրագիրը ընդունվեց ու իրագործվեց գերմանական խմբերի ակտիվության գիտությունում ու համաձայնությունում: Գոյություն ունեն ոչ քիչ վկայություններ այն մասին, որ հայ բնակչության բռնագաղթի ու կոտորածի գործում մասնակցություն են ունեցել գերմանացի սպաներ:

Անտարքեր ու փարիսեցիական դիրք բռնեցին Անտանտի սահմաններում, մասնավորապես Անգլիան ու Ֆրանսիան: Ամերիկայի Միացյալ Նահանգները, որ 1915—1916 թթ. դեռևս չէին մասնակցում պատերազմին, նույնպես ոչ թր քայլ չկատարեցին օգնելու մղձավանջային օրեր ապրող հայ ժողովուրդին: Երևմտյան պետությունների այսօրինակ դիրքը Մաքսիմ Գորկին որակեց որպես «նոդկալի անտարքերություն»:

Հարկ է նշել այն հանգամանքը, որ, երբ սկսվեցին մասսայական կոտորածները, հայ բնակչության մի մասը, չնայած խիստ անբարենպաստ պայմաններին, դիմեց ինքնապաշտպանական կոիվների և փորձեց այնտեղ, որտեղ այդ հնարավոր էր, զինված հակահարված տալ ջարդարարներին: Զենքի դիմեց Վանի, Շապին-Գարահիսարի, Սասունի, Ուրֆայի, Անտիոքի և մի շարք այլ շրջանների բնակչությունը:

Առանձնապես հաջող անցավ Վանի բնակչության ինքնապաշտպանությունը: 1915 թ. ապրիլի սկզբներին Վանի կուսակալ Ջեդեղ բեյը, կատարելով կառավարության հրահանգը, պատռաստություններ տեսավ հայկական կոտորածներ կազմակերպելու համար: Իմանալով այդ մասին, Վասպուրականի հայությունը դիմեց նախազգուշական միջոցների: Ապրիլի 7-ին թուրքական զորքերը հարձակում գործեցին քաղաքի վրա: Բնակչության զինված ջոկատները ետ մղեցին հարձակումը: Այդ օրվանից սկսվեցին Վանի ինքնապաշտպանական կոիվները: Քաղաքը առնվեց օղակի մեջ: Պաշտպանները որոշեցին կռվել մինչև վերջին հնարավորությունը: Ինքնապաշտպանության էին դուրս եկել բոլորը՝ տղամարդիկ, կանայք, երեխաները: Բոլորին համակել էր մի միտք՝ լավ է մեռնել, քան հանձնվել ջարդարարներին: Զինված հայ բնակչությունը կռվում էր մեծ ոգևորությամբ և արիությամբ: Այդ է պատճառը, որ թշնամու բոլոր գրոհներն սպարդյուն անցան, չնայած թուրքական զորքերը գերազանցում էին թե՛ քանակով և թե՛ ռազմական տեխնիկայով: Վանը պաշտպանվեց հերոսաբար: Ինքնապաշտպանական կոիվները տևեցին մինչև մայիսի 6-ը, երբ ռուսական զորքերը, որոնց կազմում թուրք ջարդարարների զեմ արիաբար կռվում էին հայ կամավորները, մտան Վան, իսկ Ջեդեղ բեյը փախուստի դիմեց⁶: Այսպիսով, մոտ մեկ ամիս տևող հերոսական ինքնապաշտպանական մարտերի շնորհիվ Վանի բնակչությունն ազատվեց կոտորածներից և այնուհետև դադարեց Կոիվաս:

Վանի հերոսական գոյամարտը հայ ժողովրդի ազատագրական պայքարի փայլուն էջերից մեկն է: Այս օրերին լրանում է նաև այդ փառապանծ էպոպեայի 70-ամյակը:

Հաջողությամբ վերջացավ նաև Շատախի ու Սվեդիայի (Անտիոքի) հայ բնակչության ինքնապաշտպանությունը: Վերջինիս մասին ավստրիացի անվանի գրող Ֆրանց Վերֆելը գրեց «Մուսա լեռան 40 օրը» իր նշանավոր վեպը, որ լույս է տեսել աշխարհի բազմաթիվ լեզուներով: Անհաջող ելք ունեցան, սակայն, Շապին-Գարահիսարի, Մուշի, Սասունի, Ուրֆայի և մի շարք այլ վայրերի բնակչության ինքնապաշտպանական ելույթները:

Զուգետք է մոռանալ պատմական այն իրողությունը, որ երիտթուրքերի կառավարությունը փորձեց բնաջինջ անել նաև արևելահայությունը: 1918 թ., երբ թուրքական զորքերին հաջողվեց ներխուժել Անդրկովկաս, հայության կոտորածներ տեղի ունեցան Արդահանում, Ախալքալակում, Կարսում, Ալեքսանդրապոլում, Լոռի-Փամբակում, Ադրբեջանի մի շարք գավառներում ու Բաքվում: Իսկ հերոսական այն մարտերը, որ վարեց հայ ժողովուրդը 1918 թ. մայիսին Սարդարապատում, Ղարաբեյիսայում և Բաշապարանում, ի չիք դարձրին թուրք ագոստոսների հայաջինջ ծրագիրը արևելահայության նկատմամբ: 1918 թ. աշ-

⁶ Տե՛ս Օ. Մ. Ի. Թառյան. Վանի հերոսամարտը. Սոֆիա, 1930: Ա. Ա. Կեռեկիդյան. Վասպուրականի հերոսամարտը. Պետրոլ, 1965:

Նրանք, երբ Գերմանիան ու Թուրքիան պարտություն կրեցին համաշխարհային պատերազմում, նրանց զորքերը դուրս վճռվեցին Անդրկովկասից:

Սակայն բազմաշարժար հայ ժողովրդին դեռ վիճակվել էր ապրել նոր արհավիրքներ: 1920 թ. աշնանը թուրքական զորքերը դարձյալ ներխուժեցին Արևելյան Հայաստան: Նորից ջարդեր, կողտպուտ ու բռնություններ: Նորից քիզիկական բնաջնջման ահավոր վտանգ: Բայց օրհասական այդ օրերին, կործանման անդունդի եզրին կանգնած ժողովրդին իր եղբայրական օգնության հզոր ձեռքը մեկնեց Սովետական Ռուսաստանը, մեծ Հոկտեմբերի ծնունդ սովետական իշխանությունը, իշխանություն, որի մասին մեր մեծ բանաստեղծ Հովհ. Ռումյանյանն իրեն հատուկ իմաստությունամբ և պատկերավոր ոճով գրել է. «Ահա մի իշխանություն, որի գերբի վրա տեսնում ենք ոչ թե զանազան քի սիմվոլը միատեղ ու միասին, մի իշխանություն, որ գալիս է, իր հետ բերելով հաշտ ու խաղաղ կյանք ու արդար աշխատանք, և ոչ թե կռիվ ու կոտորած»:

Ռուսական կարմիր զորամասերի օգնությամբ 1920 թ. նոյեմբերի 29-ին Հայաստանում հաստատվեց սովետական իշխանություն, տեղի ունեցավ պատմական մեծագույն մի ակտ, ոչի շնորհիվ ընդմիջտ վերջ դրվեցին բազմաշարժար հայ ժողովրդի դառավոր տառապանքներին: Սկսվեց վերածնունդ, խաղաղ և սանդղծագոծ աշխատանքի դարաշրջան: Վեց տասնամյակից ավելի է արդեն, որ հզոր Սովետական Միության կազմում, եղբայրական մյուս ժողովուրդների հետ միասին հայ ժողովուրդը ապրում է քաղաքական ապահով կյանք, տնտեսական ու մշակութային վիթխարի առաջընթաց, պատմության տարեգրություններում թողնելով իր մղձավանջային անցյալը:

* * *

Արևմտահայության 1915 թ. ցեղասպանության՝ Մեծ եղեռնի մասին ստեղծված է հառուստ գրականություն: Հրապարակված են բազմաթիվ ու բազմատեսակ նյութեր, այդ թվում՝ ջարդերից փրկված անհատների ցուցմունքներ, ականատեսների վկայություններ, բազմաթիվ երկրների դեսպանություններում ստացված պաշտոնական զեկուցագրեր: Լույս են տեսել հարյուրավոր ու հազարավոր թղթակցություններ ու հոգվածներ, գրքեր, գրքուկներ, հուշագրություններ, փաստաթղթերի ժողովածուներ, գիտական ուսումնասիրություններ և այլ աշխատություններ: Գրել են տարբեր երկրներում, տարբեր լեզուներով, գրել են գիտնական պատմաբաններ, նշանավոր գրողներ, հրապարակախոսներ, լրագրողներ, պետական բարձր պաշտոններ վարող պատասխանատու անձնավորություններ և այլք: Հրապարակումների հոսքը շարունակվում է նաև ույսօր: Եվ այդ բազմաթանր ու բազմաբովանդակ գրականությունը, իհարկե, ոչ մի կասկած չի թողնում այն մասին, որ Օսմանյան կայսրության մեջ 1915—1916 թթ. իսկապես տեղի են ունեցել արևմտահայերի մասսալական կոտորածներ, ցեղասպանություն՝ ամենայն դաժանությամբ ու բարբարոսությամբ:

Ջարմանալի է, սակայն, որ ժամանակակից թուրք պատմաբանները, և ոչ միայն նրանք, իրենց պաշտպանության տակ են առնում ջարդարար երիտթուրքերին և ձգտում են ժխտել արևմտահայության ցեղասպանության փաստը: Այս տենդենցը ուժեղացել է հատկապես վերջին տարիներին: Թուրքական ռեակցիոն շրջանները, ելնելով քաղաքական նկատառումներից, հրապարակում են բազմաթիվ գրքեր ու հոգվածներ, հանդես են գալիս ռադիոյով ու հեռուստատեսությամբ, կազմակերպում են հարցազրույցներ ու «գիտական» սիմպոզիումներ և այլն, որպեսզի ծուռ հայելու մեջ ներկայացնեն պատմական անցյալը: Խիստ բնորոշ է այդ տեսակետից հետևյալ օրինակը. անցյալ հոկտեմբեր ամսին, էրզրում քաղաքի Աթաթուրքի անվան համալսարանում կայացել է «գիտական սիմպոզիում»՝ նվիրված հայ-թուրքական հարաբերությունների պատմությանը և մասնավորապես Հայկական հարցին ու հայկական կոտորածների խնդրին: Չորս օր տևող այդ կոնֆերանսում հանդես են եկել համալսարանի դեկավարները, պրոֆեսորները, այլ և այլ դասախոսներ, նախկին դիվանագետներ և զինվորականներ, պետական պաշտոնյաներ, այդ թվում՝ նահանգապետը և

ուրիշները Ի դեպ, հատուկ հանձնարարություններով է ունեցել նաև բազմա-
կան կասկածելի մի հայ անձնավորություն Ասլանյան ազգանունով:

Գիտություն քողի տակ հանդես եկող, բայց գիտության հետ ոչ մի առնչու-
թյուն չունեցող այդ մարդկանց հանձնարարված է հիմնավորել կանխամտած-
ված այն թեզը, որ, իբր, հայերը Օսմանյան կայսրության մեջ ունեցել են բա-
րեկեցիկ կյանք, որ Թուրքիայում երբեք չեն եղել հայության կոտորածներ,
ընդհակառակը, հաճախ հայերն են հարստահարել և կոտորել թուրքերին:

Ինչպես տեսնում ենք, սուտը լպիրշ է և ապշեցուցիչ: Պատմության ժամա-
նակակից կեղծարարները իսպառ անտեսում են փաստերը, սկզբնաղբյուրնե-
րը, գիտական ուսումնասիրությունները և բազմաթիվ այլ հրատարակություն-
ներ, հայտարարելով, թե դրանք ստեղծված են հայասեր պացիֆիստների կող-
մից:

Սակայն թուրք ռեակցիոն հեղինակները գիտակցաբար «մոռանում են»,
որ արխիվներում ու մի շարք հրատարակություններում պահպանվել են նաև
սկզբնաղբյուրներ, որոնք ունեն ոչ թե հայասիրական, այլ բացահայտ թուրքո-
ֆիլական բնույթ, բայց չնայած այդ հանգամանքին, դրանք ևս, այնուամենայ-
նիվ, հաստատում են արևմտահայության ցեղասպանության փաստը: Այս
աղբյուրների վկայություններն արդեն չեն կարող հերքել ամենամոլի կեղծա-
րարներն անգամ:

Ի՛նչ աղբյուրների մասին է խոսքը: Ես նկատի ունեմ գեղմանական և թուր-
քական սկզբնաղբյուրները:

Առաջին համաշխարհային պատերազմի տարիներին, ինչպես գիտենք,
Թուրքիան և Գերմանիան դաշնակիցներ ու զինակիցներ էին: Թուրքական կա-
ռավարության գլխավոր կարևոր ծրագրերը, այդ թվում արևմտահայերի
լուսագաղթի և կոտորածների ծրագիրը, կազմվում ու իրագործվում էին կալ-
զերական Գերմանիայի գիտությամբ ու համաձայնությամբ: Թուրքիայում գոր-
ծող գերմանական բարձրաստիճան պաշտոնյաները՝ ղեսպանները, հյուպատոս-
ները, զինվորական ներկայացուցիչները և այլն, լավ տեղյակ էին այնտեղ կա-
տարվող անցքերին և իրենց գաղտնի պաշտոնական զեկուցագրերում, ուղղված
գերմանական ռալիսական ցիլերին և մյուս ղեկավար գործիչներին, հայտնել են
կարևոր տեղեկություններ հայկական ջարդերի մասին: Բերենք մի քանի օրի-
նակներ:

1912—1915 թթ. կալզերական Գերմանիայի Կ. Պոլսի ղեսպանն էր գեր-
մանական իմպերիալիզմի աչքի ընկնող ներկայացուցիչներից մեկը, համոզված
թուրքոֆիլ բարոն Ֆոն Վանդենհայմը: Ունենալով քաղաքական շահերի և գոր-
ծելակերպի ընդհանրություն, նա սերտ, բարեկամական կապեր հաստատեց
երիտթուրքական կուսակցության շատ ղեկավար գործիչների և մասնաձորա-
պես էնվեր փաշայի ու Թալեաթ բեյի հետ, ունեցավ մեծ ազդեցություն թուր-
քական կառավարության վրա և լավատեղյակ էր երկրում կատարվող քիչ թե
շատ կարևոր անցքերին: Նվ ահա ըստ ամենայնի խիստ աղղեցիկ ու լավատեղ-
յակ, երիտթուրքերին սմեն կերպ հովանավորող այս ղեսպանը Գերմանիայի
կանցլեր Բետման Հոլվեգին ուղղված 1915 թ. հունիսի 17-ի թվակիր իր գաղտ-
նի զեկուցագրում հաղորդում էր.

«Միանգամայն ակնհայտ է, որ հայերին աքսորելը կապված չէ միայն
ռազմական նկատառումների հետ: Վերջերս ներքին գործերի մինիստր Թալեաթ
բեյը առանց քաշվելու հայտարարել է կալզերական (գերմանական—Մ. Ն.)
ղեսպանության աշխատակից ղոկտոր Մորդմանին, որ «Բարձրագույն ղուտը
ձգտում է օգտագործել համաշխարհային պատերազմը, որպեսզի վերջնական
դատաւտան տեսնի իր ներքին թշնամիների (տեղական քրիստոնյաների) հետ,
առանց հարուցելու դիվանագիտական միջամտություն արտասահմանից»
(այստեղ և հետագա բոլոր ընդգծումները մերն են— Մ. Ն.):

Գերմանական ղեսպանի զեկուցագրի այս քաղվածքը շատ կարևոր է այն
տեսակետից, որ նրանում բառացիորեն բերված են հայ ժողովրդի ամենամեծ

⁷ Deutschland und Armenien 1914—1918. Sammlung diplomatischer Aktenstücke.
Herausgegeben und eingeleitet von dr. Johannes Lepsius. Potsdam, 1919, S. 84.

դա՛հիճ Թալեաթ բեյի խոսքերը թուրքական կառավարության բարբարոսական ծրագրի մասին: Վկայությունը պերճախոս է և անհերքելի:

Քիչ ավելի ուշ, 1915 թ. հունիսի 7-ին, նույն դեսպանը գրում էր կանցլերին, որ, եթե մինչև վերջերս հայ բնակչության բռնագաղթը կասարվում էր այն նահանգներից, որոնք մոտ էին պատերազմական գործողությունների արևելյան ճակատին և Ազանաչի նահանգի մի քանի շրջաններից, ապա այժմ թուրքական կառավարությունը հայերին աքսորում է նաև Տրապիզոնի, Խար-բերդի և Սեբաստիայի գավառներից, որոնց չի սպառնում թշնամական որևէ ներխուժում: Գերմանական դեսպանի ղեկուցագիրը վերջանում էր հետևյալ շատ նշանակալից տողերով.

«Այդ գործողությունները (հայերի բռնագաղթը — Մ. Ն.) և այն ձևերը, որոնց միջոցով կատարվում են դրանք, վկայում են այն մասին, որ կառավարությունը իրոք նպատակ ունի ոչնչացնել հայ ցեղը քուրճական պետության մեջ»:

Ինչպես տեսնում ենք, ասված է ամեն ինչ, ասված է հստակ և անվերապահ: Իհարկե, այս վկայությունը ևս չի հարուցում ոչ մի կասկած, քանի որ թուրքոֆիլ բարոն Վանգենհայմը չէր կառող առանց հիմքի և փաստերի ո՛չ ամբաստանել իր թուրք բարեկամներին և ո՛չ էլ սխալ տեղեկություններ հաղորդել իր պետության ղեկավարներին, որոնք ամենուսերտ կապեր ունեին թուրքական կառավարության հետ:

Բայց բերենք այլ փաստեր: Դեսպան Վանգենհայմին ժամանակավորապես փոխարինող կոմս Հոհենլոհ-Լանգենբուրգը 1915 թ. սեպտեմբերի 4-ին գրում էր ռալիսականցիներին, որ մի քանի օր առաջ (օգոստոսի 31-ին) դեսպանությունն եկավ Թուրքիայի ներքին գործերի մինիստր Թալեաթ բեյը և «իմ ներկայությամբ քույր ավելի մի այսպիսի արտահայտություն. «Հայկական հարցն ավելս զոյուրյուն չունի»⁹: Ուրեմն, հայ ժողովրդի դաժան ու նենգ թշնամին այցելել է զինակից պետության դեսպանություն և ամբարտապան ինքնագոհությամբ ու անասելի ցինիկությամբ հայտարարել, որ երիտթուրքերի կուսակցության արյունոտ ծրագիրը, այսինքն արևմտահայության ցեղասպանությունն արդեն իրագործվել է և հետևապես Հայկական հարցն այլևս գոյություն չունի: Ահա և հրեշավոր ձիվաղի խոստովանությունը:

1915 թ. նոյեմբեր ամսին Կ. Պոլսի գերմանական դեսպան նշանակվեց կոմս Վոլֆ Մետերնիխսը, որի գաղտնի ղեկուցագրերը ևս պարունակում են կարևոր տեղեկություններ Մեծ եղեռնի մասին: Այսպես օրինակ, ռալիսականցիներ Բետման Հովվեգին ուղղված 1916 թ. հունիսի 30-ի թվակիռ իր գրության մեջ նա, խոսելով երիտասարդ թուրքերի կուսակցության կենտրոնական կոմիտեի մասին, հայտնում էր.

«Կոմիտեն պահանջում է բնաջինջ անել հայերի վերջին մնացորդները»¹⁰:

Բնաջինջ անել վերջին մնացորդները... Այս զարհուրելի պահանջը ներկայացվում էր գլխավորապես տեղական իշխանություններին: Ոճրագործ քաղաքականության ինչպիսի՜ հետևողականություն:

1916 թ. հունիսին, իսկապես, խոսք կարող էր լինել միայն վերջին մնացորդների մասին, որովհետև մինչև այդ հայերի ցեղասպանությունը հիմնականում արդեն իրագործվել էր: Այդ, ինչպես տեսնում ենք, ընդունում էին ինչպես իրենք՝ երիտթուրքերը, այնպես էլ նրանց դաշնակից պետության դեսպանը:

Մետերնիխսը երիտթուրքերի կոմիտեի անդամներին որակում էր որպես մոլի ֆանատիկոսներ և «քաղցած գայլեր», որոնք շտեմարված ագահությամբ հափշտակում են զոհերի կաշին ու գույքը, ամբողջ ունեցվածքը: Նկատենք, որ նոր դեսպանը միաժամանակ գրում էր, որ երիտթուրքերի ոհմակր անհամբեր սպասում է հարմար առիթի, որպեսզի հույների հետ ևս վարվի այնպես, ինչպես վարվեցին հայերի հետ:

⁸ Նույն տեղում, էջ 94:

⁹ Նույն տեղում, էջ 146—147. Թալեաթն արտահայտվել է ֆրանսերենով:

¹⁰ Նույն տեղում, էջ 277:

1916 թ. հուլիսի 10-ին գոած իր ղեկուցագրում կոմս Մեռերնիսը նորից հիշեցնում էր այն հանգամանքը, որ թուրք կառավարիչների հիմնական ծրագիրն է եղել «վերջ տալ Հայկական հարցին հայ ցեղը ոչնչացնելու միջոցով» և որ այդ վանդալական ծրագիրը նրանք իրագործել են ամենայն դաժանությամբ ու համառությամբ, բոլորովին անտեսելով միջազգային հասարակական կարծիքը և օտարերկրյա մի շարք դեսպանների դիմումները¹¹։

Հայկական կոտորածների փաստը ընդունել է նաև այնպիսի մի բարձրաստիճան պաշտոնյա, ինչպիսին էր Գեղամահայի ղինվորական ներկայացուցիչ Թուրքիայում՝ գեներալ Լիման ֆոն Սանդերսը, որի ձեռքում էր գտնվում փաստորեն թուրքական բանակի ղեկավարությունը պատերազմի տարիներին։ Հանդես գալով որպես վկա Թալեաթ փաշայի սպանության առիթով 1921 թ. հունիսին Բեռլինում տեղի ունեցող դատական պրոցեսում, նա չփստեց Յոհանես Լեպսիուսի ցուցմունքները հայերի ջարդերի մասին, միայն թե աշխատեց կատարված մեղքի զգալի մասը գցել ցածր պաշտոնեության և բողոքի վրա¹²։

Հայկական կոտորածների վերաբերյալ կարևոր և ստույգ տեղեկություններ են հաղորդել նաև Թուրքիայում այն ժամանակ պաշտոնավարող գերմանական հյուպատոսները, որոնք ի պաշտոնե գործելով գավառներում, ավելի մոտ էին կանգնած կատարվող անցքերին և հաճախ լինելով շատ ոճրագործությունների ականատեսներ, հաղորդում էին զարհուրելի մանրամասնություններ և ճշգրիտ տվյալներ։

Այսպես, գեներալ 1915 թ. մայիսի 10-ին Հալեպի հյուպատոս Ռյուսերը հայտնում էր Կ. Պոլսի գերմանական դեսպանությանը կոնկրետ փաստեղծ Ադա-նայում, Զեյթունում և հարևան մի շարք շրջաններում թուրքական իշխանությունների կողմից գործարկվող հակահայկական միջոցառումները մասին։ Հյուպատոսը եկել էր այն եզրակացության, որ երիտթուրքերի կառավարությունը նպատակ ունի ոչնչացնել այդ գավառների ամբողջ բնակչությունը։

1915 թ. հունիսի 2-ին էրզրումի գերմանական հյուպատոս Շոլքներ Ռիխտերը նույն դեսպանին հեռագրում էր. «Իմ բանակցությունները բանակի (խոսքը թուրքական 3-րդ բանակի մասին է— Մ. Ն.) գլխավոր հրամանատարի հետ հայերի արտաքսման մասին չունեցան դրական հետևանքներ։ Հայ բնակչությունը բոլոր գաղտնավայրերից և բոլոր երևույթին նաև էրզրումից պետք է աքսորվի Դեյր-էլ-Զորի ուղղությամբ։ Այս մեծ մասշտաբի դեպորտացիան հավասարազոր է մասսայական կոտորածների... Ռազմական բնույթի սլաոնառաքանություններն անհիմն են, որովհետև տեղական բնակչության ապստամբությունը բացաված է, քանի որ ակտիվացան ծերունիներ, կանայք և երեխաներ են... Հայկական լքված, բնակազուրկ այն գյուղերը, որոնք ես այցելեցի, թալանված են։ Կողոպտված է նաև Ղրդըլ-վանքը, ուր եկեղեցին ավերված է»¹³։

Հյուպատոսը ճիշտ էր նկատում, և այդ դեռ այն ժամանակ սլաոդ էր շատերի համար, ու հայերի դեպորտացիա կոչվածը ոչ այլ ինչ է, եթե ոչ մասսայական կոտորածներ, և որ դեպորտացիան հիմնավորելու համար թուրքական կառավարության կողմից առաջ քաշված «ռազմական նկատառումները» բացահայտ պատմվակ էին ու միանգամայն կեղծ։

Նույն հյուպատոսը 1915 թ. հուլիսի 8-ին հեռագրում էր դեսպան Վանգեն-հայմին, որ Բայբուրդում, Երզնկայում և Դերջանում վերսկսել են հայերի կոտորածները երիտթուրքական կոմիտեի և տեղական իշխանությունների ցուցումներով ու հրահրումով։

Այնուհետև Շոլքներ Ռիխտերը հուլիսի 28-ին գրում էր, թե էրզրումի վալի Թահսին բեյի հետևորդները «բացեիքաց խոստովանում են, որ իրենց գործունեության վերջնական նպատակն է հայերի լրիվ ոչնչացումը Թուրքիայում։ Պատերազմից հետո «մեզ մոտ Թուրքիայում հայեր այլևս չեն լինի», — բառա-

¹¹ Նույն տեղում, էջ 280։

¹² Դատավարություն Թալեաթ փաշայի Սղազրական ղեկուցում. Վիեննա, 1921, էջ 97—99։ Տե՛ս նաև Der Prozess Talaat Pascha, Berlin, 1921.

¹³ Deutschland und Armenien..., S. 80.

ցիրոնեն այսպես արտահայտվեց մի հեղինակավոր անձնավորություն: Քանի որ այդ նպատակին դժվար է հասնել ջարդեր կազմակերպելու միջոցով, այստեղ հույս ունեն, թե ամեն ինչ կլրացնեն այն զրկանքները, որ կրելու են Միջագետք արքայազնները (այսինքն հայերը—Մ. Ն.) երկարատև ճանապարհորդության ժամանակ և ապա անսովոր կլիման: Հայկական հարցի այսպիսի «լուծումը» իդեալական է թվում ծայրահեղ ուղղության կողմնակիցներին, որոնց թվին են պատկանում գրեթե բոլոր զինվորականները և կառավարական շինովներին: Թուրք ժողովուրդը ոչ մի դեպքում համաձայն չէ Հայկական հարցի այսպիսի լուծման հետ»¹⁴:

Սամսունի գերմանական փոխհյուպատոս Կուրթը 1915 թ. հուլիսի 4-ին ղեկուցում էր իր դեպյանին, որ Անատոլիայի վիլայեթներում տեղի ունեցող բռնագաղթեցումը՝ դեպորտացիան նպատակ ունի ոչնչացնել կամ մահմեդականացնել ամբողջ հայ ժողովուրդը:

Այն նույն օրերին՝ հուլիսի 9-ին Տրապիզոնի գերմանական հյուպատոս Էդուարդ Բերգհելդը ռայխսկանցլեր Բեռլան Հոլվեգին հաղորդում էր հայ բնակչության անդահանությունների ու դաժան բռնությունների մասին: Հյուպատոսն առանձնապես նշում էր, որ իթթիհատականների կուսակցության «կենտրոնական կոմիտեն նպատակ ունի այդ միջոցներով հիմնովին վերջ տալ Հայկական հարցին»¹⁵:

Էդդուարդի վիլայեթի հայ բնակչության արքայի, թուրքական կառավարության կողմից հայերի նկատմամբ կիրառվող հալածանքների ու բռնությունների մասին բավական մանրամասն տեղեկություններ է հայտնել գերմանացի փոխգեղապետ Շտանդեն, 1915 թ. օգոստոսի 23-ի թվակիր իր ղեկուցագրում՝ ուղղված Կ. Պոլսի գերմանական զինվորական միսիային: Որպես ականատես կատարվող անցքերի՝ նա, բերելով կարևոր փաստեր հակահայկական խժոժությունների մասին, ի վերջո գրում էր. «Հայերի ամբողջական ոչնչացման մասին որոշումը քննարկվել է Երիտթուրքի կոմիտեի կողմից Կ. Պոլսում: Նրա կողմից էլ, հավանաբար, կազմակերպվել ու իրականացվել է այդ որոշումը ռազմական իշխանությունների ու զանազան հոսսակների օգնությամբ: Այդ նպատակով էլ բացի տեղական (Էդդուարդ—Մ. Ն.) աղմուկիստացիայի ուստիականության պետ խուլուս բեյից և զորքերի գլխավոր հրամանատար Մահմուդ Քյամիլ փաշայից, տեղերում եղել են կոմիտեի անդամներ Հիլմի բեյը, Շաքիր բեյը, Սեյֆուլլա բեյը»¹⁶:

Կարելի է բերել նման բազմաթիվ այլ վկայություններ, սակայն սահմանափակվենք այսքանով: Նշենք միայն, որ թուրքական կառավարության բարբարոսությունների վերաբերյալ սարսափ սզգող տեղեկություններ են հայտնել նաև, այսպես ասած, շարքային գերմանացիները՝ առևտրականներ, ինժեներներ, ուսուցիչներ, բժիշկներ ու գթություն քննողներ և այլն, որոնք 1915-1916 թթ. գտնվելով Թուրքիայում, ականատես են եղել հայկական ջարդերին¹⁷:

Հայերի ցեղասպանության մասին դեռ իր ժամանակին գրել են գերմանացի այնպիսի հումանիստ, առաջավոր գործիչներ, ինչպիսիք են Յոհանես Լեյպսիուսը, Յոզեֆ Մառկվադտը, Աոմին Վեգները և ուրիշներ: Եվ վերջապես լուսնանք, որ թուրք բարբարոսների և նրանց հովանավորող գերմանական իմպերիալիզմի դեմ իր բողոքի ձայնը բառարացոց գերմանական բանվորական հեղափոխական շարժման ականավոր գործիչ Կարլ Լիբկնեխտը: Լինելով ռայխստագի դեպուտատ, նա 1916 թ. հունվարի 14-ին խիզախ հարցապնդում արեց ռայխսկանցլերին հայկական կոտորածների մասին, իսկ քիչ ավելի ուշ գրեց հետևյալ տողերը. «Թուրքական կառավարությունը կազմակերպել է հալածական զարհուրելի կոտորած: Ողջ աշխարհը գիտի այդ մասին և ողջ աշխարհ-

¹⁴ Նույն տեղում, էջ 113:

¹⁵ Նույն տեղում, էջ 101:

¹⁶ Նույն տեղում, էջ 142:

¹⁷ *Տե՛ս* Генощад армян в Османской империи. Сборник документов и материалов. под редакцией М. Г. Нерсисяна. Ереван, 1983, с. 313, 318, 324.

հոր պատասխանատուն է համարում Գերմանիային, չէ՞ որ թուրքական կառավարությունը դեկավարում են Կ. Պոլսում գտնվող գերմանական սպաները: Ոչինչ չգիտեն միայն Գերմանիայում, որովհետև գերմանական մամուլի բերանին փականք է դրված»¹⁸:

Այժմ մի քանի վկայություններ թուրքական սկզբնաղբյուրներից: Դեռևս 1919—1920 թթ. հայտնաբերվեցին ու հրապարակվեցին թուրքական կառավարության ներքին գործոց մինիստր, գլխավոր դահիճ Թալեաթ բեյի մի շարք գաղտնի հեռագրերն ու հրամանները տեղական իշխանություններին հայերին բնաջնջելու մասին: Այսպես. ծածկագիր հեռագրերից մեկում, որ ուղղված է Հալեպի նահանգապետին, կարդում ենք. «Որոշված է Թուրքիայում բնակվող հայերին ոչնչացնել ամբողջությամբ: Նրանք, ովքեր դեմ են այս որոշմանը, չեն կարող մնալ իրենց վարչական պոստերում: Ինչքան էլ դաժան լինեն միջոցառումները, միևնույն է, պետք է վեղջ տրվի հայերի դոյությունը: Ոչ մի ուղարկություն մի դարձրեք ո՛չ հասակին, ո՛չ սեռին և ո՛չ էլ խղճի խալթի»¹⁹:

Թալեաթի մի հրամանում, ուղղված նույն նահանգապետին, կսւն այսպիսի տողեր.

«Չնայած հայկական տարրի ոչնչացման հարցը վաղուց էր որոշված, բայց հանդամանքները թույլ չէին տալիս իրականացնելու այդ սրբազան գործը: Այժմ, երբ խոչընդոտները վերացված են, հասել է ժամանակը աղատել մեր հայրենիքն այդ վտանգավոր տարրից: Խստորեն հանձնարարվում է չենթարկվել խղճահարության զգացումին, այլ վերջ տալ բոլորին և ամեն կերպ աշխատել ոչնչացնել «Հայաստան» անունը Թուրքիայում»²⁰:

Կասարվող անցքերին լավատեղյակ նայիմ բեյը, որ Հալեպ քաղաքում անմիջականորեն զբաղվում էր հայերին Միջագետք աքսորելու գործով և ականատես էր անասելի բարբարոսություններին, իր հուշերում գրել է հետևյալը.

«Ես կառծում եմ, ոտ հայերի աքսորի ու ջաշղերի պատմությունը իրեն հավասարապորը շունի անմարդկային արարքների մասին մինչև օրս գրված տալիս գրությունների մեջ: Թուրքիայի լայնարձակ տառածքի որ անկյունն էլ հայացք ձգել, ինչպիսի խոր կիրճ էլ նայել՝ ամենուրեք կարելի է դտնել ամենադաժան ձևով մորթված ու ալախդակված հայերի հաղարավոր դիակներ ու կմախքներ»²¹:

Օսմանյան կայսրության այդ ժամանակաշրջանի գործիչներից մեկը, ծաղումով քուրդ Մեվլան Ջադե Ռիֆատը, գրել է հուշեր, ուր, ի միջի այլոց, նկարագրում է այն գաղտնի նիստը, որտեղ ընդունվել է որոշում հայերին ոչնչացնելու մասին: Երիտթուրքերի պարագլուխներից մեկը՝ դոկտոր Նազիմը, այդ նիստում հանդես է եկել հետևյալ թեզով. «Հայ ժողովուրդը պետք է ոչնչացնել հիմնովին, որպեսզի ոչ մի հայ չմնա մեր հողի վրա և մոռացվի այդ անունն իսկ: Այժմ պատերազմ է, այսպիսի համար առիթ այլևս չի լինի: Մեծ տերությունների միջամտությունը և համաշխարհային մամուլի աղմկոտ բողոքները կմնան աննկատ, կամ թե նրանք կկանգնեն կատարված փաստի առաջ և դրանով էլ կփակվի հարցը: Այս անգամ մեր գործողությունները պետք է կրեն համընդհանուր բնույթ: Անհրաժեշտ է ոչնչացնել բոլորին անխտիր»²²:

Նիստին ներկա գտնվող էնվերը, Թալեաթը, Բեհաէդդին: Շաքիրը և մյուսները լրիվ համաձայնվում են Նազիմի հետ և, ինչպես գրում է Մեվլան Ջադեն, «միաձայն քվեարկեցին, որպեսզի ամբողջովին ոչնչացվի հայ ժողովուրդը, առանց որևէ բացառության»:

Երիտթուրքերի անփառունակ իշխանության ապալումից հետո, միջազգային հասարակական կարծիքի ճնշման տակ, Թուրքիայի նոր կառավարության որոշման համաձայն Կ. Պոլսում, 1919 թ. տեղի ունեցան դատական պրո-

¹⁸ Карл Либкнехт. Избранные речи, письма и статьи. М., 1961, с. 334.

¹⁹ The Memoirs of Naim Bey..., London, 1920, p. 64.

²⁰ Նույն տեղում:

²¹ Նույն տեղում, էջ 20:

²² Геноцид армян в Османской империи..., с. 409.

ցեաներ, ուր մի շարք մեղադրանքներով, այդ թվում նաև հայկական ջարդեր կազմակերպելու մեղադրանքով, դատվեցին երիտթուրքերի կուսակցության շատ գործիչներ: Թուրքական ռազմական այդ տրիբունալները, որոնք վարում էին թուրք գեներալները, բազմաթիվ փաստերի ու տվյալների հիման վրա միանգամայն ապացուցված համարելով արևմտահայության բարբարոսական կոտորածների փաստը, մահվան դատապարտեցին արյունարբու զահիճներ Թալեաթին, էնվերին, Ջեմալին, դոկտոր Նադիմին, Բեհաէդդին Շաքիրին և այլոց: Բնորոշ է, որ Կ. Պոլսի ռազմական սրիբունալի մեղադրական ակտում կան այսպիսի տողեր.

«Սկսված հետաքննության գլխավոր հետևությունն այն է, որ այն հանցագործությունները, որ տեղի ունեցան հայերին տարբեր տեղեր և տարբեր ժամանակ աքսորելու շրջանում, մեկուսացած ու լուկալ գործողություններ չէին: Դրանք մտածված էին նախօրոք և իրականացվեցին կենտրոնական օրգանի կազմակերպությամբ՝ գաղտնի հրամանների կամ բանավոր հրահանգների միջոցով»²³:

Մեղադրական մի այլ ակտում ասված է, որ երիտթուրքերի կառավարության որոշման հիման վրա երկրի հեռավոր ծայրամասերը զաղթեցվող հայերի քարավանները «ոչնչացվել են ճանապարհներին իրենց իսկ՝ երիտթուրքերի ստեղծած հրոսականների կողմից», որոնք կազմված էին բանտերից դուրս բերված ոճրագործներից ու քրեական տաղրերից:

Ինքնապատկան սրիբունալների դատավարության ընթացքում հանդես եկան մի շարք թուրք բարձրաստիճան պաշտոնյաներ, որոնք հաղորդեցին կարևոր վկայություններ: Այսպես օրինակ, արևելյան ռազմաճակատում գործող թուրքական բանակներից մեկի նախկին հրամանատար Վեհիբ փաշան այն դատարանում, ուր ընկնում էին խարբերված կատարված դեպքերը, հայտարարել է, որ «հայերի ջարդերը և ոչնչացումը, ինչպես նաև նրանց ունեցվածքի կողոպուտը ու գրավումը «Միություն և առաջադիմություն» կոմիտեի (այսինքն երիտթուրքերի— Մ. Ն.) նախօրոք մտածված նպատակն է եղել»²⁴:

Վերջապես մի կարևոր վկայություն ևս: Հայկական ղանգվածային կոտորածների փաստն ընդունել է նաև Մուստաֆա Քեմալ փաշան, քաղաքական մի գործիչ, որն, ինչպես հայաստանի է, ամենամեծ հեղինակությունն է ժամանակակից Թուրքիայում: 1926 թ. հունիսին շվեյցարական Դազերոլ էմիլ Հիլդերբրանդի հետ ունեցած հարցազրույցի ժամանակ նա ասել է, թե երիտասարդ թուրքերի միություն կոմիտեն կազմված էր «քաղաքական բախտախնդիրներից, կիսաքրեական առաջադիմականներից և սանձարձակ սովորույթների տիրմարդկանցից»: Այնուհետև, ակնարկելով 1915 թ. հայկական կոտորածները. Մուստաֆա Քեմալը նշել է, որ երիտթուրքերի կուսակցությունը «պետք է պատասխան տա մեր միլիոնավոր քրիստոնյա հպատակների կյանքի համար, որոնք անգթորեն, զանգվածաբար քշվեցին իրենց բնակավայրերից և ոչնչացվեցին»²⁵: Չի կարելի չհամաձայնվել այս եզրակացության հետ:

Այսպիսով, անհերքելի վավերագրերը և բազմաթիվ ճշգրիտ վկայությունները, որոնցից միայն մի փոքր մասը հիշատակեցինք այստեղ, ամբողջությամբ հաստատում են սլատական այն իրողությունը, որ 1915 թ. երիտթուրքերը հրեշավոր դաժանությամբ իրագործեցին արևմտահայության ցեղասպանությունը, որը դառնավ հայ ժողովրդի դարավոր պատմության ամենամեղ և ողբերգական դրվագը: Եվ այսօր, պատմության ժամանակակից թուրք կեղծարարները և նրանց կողմից վարձված մի քանի հեղինակներ Ամերիկայում և Անգլիայում, ինչքան էլ ցանկահոս նենգափոխել փաստերը, միևնույն է չեն կարող թաքցնել պատմական ճշմարտությունը և թյուրիմացության մեջ գցել միջազգային հասարակական կարծիքը:

Մեծ եղեռնից հետո անցել է չոթ տասնամյակ: Մեր ժողովուրդը, որի ծխա-

23 Նույն տեղում, էջ 559:

24 Նույն տեղում, էջ 573:

25 «Պատմա-բանասիրական հոսիք», 1964, № 3, էջ 237—238 (տե՛ս Ռ. Սահակյանի աղբյուրները):

ցող վիշտը երբեք չի մառել, սորովթամբ է պահպանում մեկ ու կես միլիոն անմեղ նահատակների հիշատակը: Վերածնված սովետահայ ժողովուրդը, աշխարհով մեկ ցրված սփյուռքահայությունը այսօր էլ, մեծ ողբերգության 70-ամյակի տարելիցին, նորից է արտահայտում իր անհուն վիշտն ու դայրույթը և անարգանքի սյունին գամում արյունոտ դահիճներին, բոլոր այն սև ուժերին, որոնք կազմակերպել ու կազմակերպում են ժողովուրդների ցեղասպանություն ինչպես անցյալում, այնպես էլ մեր ժամանակներում: Սովետական Միությունը, նրա բոլոր ժողովուրդները, ամբողջ աշխարհի առաջավոր մարդկության հետ միասին, այսօր հետևողականորեն պայքար են մղում խաղաղության համար, այն բանի համար, որպեսզի այլևս չլինեն պատերազմներ, կոտորածներ ու ցեղասպանություն ոչ մի երկրում և ոչ մի ժամանակ:

ГЕНОЦИД ЗАПАДНЫХ АРМЯН В 1915 ГОДУ

(К 70-летию великой трагедии)

Академик АН АрмССР М. Г. НЕРСИСЯН

Резюме

В 1915 г. в Османской империи совершилось чудовищное злодеяние. Шовинистическая партия младотурков, в руках которой находилось правительство Турции, варварски истребила полтора миллиона армян и опустошила всю Западную Армению. Посол США в Константинополе Генри Моргантау, располагавший точными сведениями о массовой резне армян и неоднократно встречавшийся с главарями младотурков Энвер-пашой и Талаат-беем, в своих воспоминаниях писал: «Я уверен, что во всей истории человечества нет стольких ужасающих фактов, как эта резня. Великие избиения и гонения, наблюдавшиеся в прошлом, кажутся почти незначительными по сравнению со страданиями армянской нации в 1915 г.»

В путевых записках известного французского публициста Анри Барби, посетившего в 1916 г. Западную Армению, читаем: «Кто ни проезжает сейчас по опустошенной Армении, не может не содрогаться, так необычайно много говорят эти бесконечные дали развалин и смерти. Нет ни одного дерева, ни одного утеса, ни одного клочка мха, который не был бы свидетелем избиений человека, который не был бы осквернен потоками пролитой крови. Нет ни одного протока, реки или речки, которая не несла бы к вечному забвению сотни, тысячи мертвых тел. Нет ни одной пропасти, ни одного ущелья, которые не были бы могилами под открытым небом, в глубине которых не белели бы открытые груды скелетов, так как почти нигде убийцы не дали себе ни времени, ни труда хоронить своих жертв. В этих обширных областях, когда-то оживленных цветущими армянскими поселениями, царит сегодня разорение и безлюдье».

В рапортах и донесениях немецких послов и консулов и в других секретных документах кайзеровской Германии—союзницы Турции в годы первой мировой войны, также имеются неопровержимые данные об ужасном геноциде западных армян. Примечательно, что даже основатель турецкой республики Мустафа Кемал-паша однажды (в 1926 г.), в интервью швейцарскому журналисту Э. Гильдербранду признался, что партия младотурков «должна была отвечать за жизнь миллионов наших христианских подданных, которые безжалостно и повсеместно были изгнаны из своих жилищ и уничтожены».

Современные турецкие историки, и не только историки, стараются отрицать факт геноцида армян в Османской империи. Тщетные попытки. Фальсификаторы истории не смогут ввести в заблуждение мировое общественное мнение.